

元始无量度人上品妙經卷之二十五

赤符丹光品

道言昔於絳霄天中丹景清真大玄明土受元始度人赤符丹光无量上品

元始天尊當說是經周回十過以召十方始當詣座天真大神赤靈丈人三氣天君丹光九仙上聖高尊妙行真人無鞅數眾乘空而來玉緯飛輪羽葆交陰太霄騰晶八素流光璇極珠躔煥赫元綱五日五夜三清四境无量諸天上極大羅下通黃闕各現赤混開劫飛霄寶符丹霞光散照映八門一國地土山川林木緬平一等無復高下土皆作紋玉凝輝瑩徹無有異色眾

道藏輯要

度人妙經

卷

角集五

真環侍

元始天尊停駕空浮九龍陽燧神金萬變法輅之上說經一遍諸天大聖同時稱善是時一國男女仰聽聖教默悟重玄說經二遍天光內發照朗昏冥說經三遍神氣合混萬景生津說經四遍虛明曠達觀見十方說經五遍赤符丹光現於身中說經六遍生道交會疾癘蠲消說經七遍北酆暗域報對休停說經八遍金簡書功玉符定籍三官告命形化飛仙說經九遍法露珠英潤澤一切說經十遍十方三界无極幽關无量羣生逍遙離苦是時一國是男是女莫不傾心皆受護度咸得長生道言是時元始天尊說經一遍東方无極无量品寶生大神无

鞅之眾浮空而至說經二遍南方无極无量品洞浮大神无鞅
之眾浮空而至說經三遍西方无極无量品耀明大神无鞅之
眾浮空而至說經四遍北方无極无量品太一大神无鞅之眾
浮空而至說經五遍東北无極无量品保安大神无鞅之眾浮
空而至說經六遍東南无極无量品持化大神无鞅之眾浮空
而至說經七遍西南无極无量品玉靈大神无鞅之眾浮空而
至說經八遍西北无極无量品飛霞大神无鞅之眾浮空而至
說經九遍上方无極无量品大變大神无鞅之眾浮空而至說
經十遍下方无極无量品冲厚大神无鞅之眾浮空而至十遍
周竟十方赤符丹光大神一時同至一國男女傾心歸仰皆見

道藏輯要

度人妙經

卷

角集五

赤文大字遍滿虛廓丹光洞照十方同明內見自己身中心通
萬道外與法合卽名赤符見察萬殊異體同照卽名丹光內外
之道皆是元始外生天地內化一身皆同此道自非列聖開教
不能化成譬如混沌初造終始九劫若非赤明不能開圖一身
始生毛髮肢節九竅雖具若非神光外見心光內通一切聖賢
不能成就是故我等咸悟元始所說大法役運神變開導天人
來者有如細雨密霧充鞅之眾迨國一半土皆偏陷非可禁止
於是元始懸一寶珠大如黍米在空玄之中去地五丈元始登
引天真大神上聖高尊妙行真人十方無極赤符丹光至真大
神無鞅數眾俱入寶珠之中天人仰看惟見勃勃從珠口中入

既入珠口不知所在國人廓散地還平正無復歆陷元始卽於寶珠之內說經都竟眾真監度以授於我當此之時喜慶難言法事粗悉諸天復位倏歛之間寂無遺響是時天人遇值經法普得濟度全其本年無有中傷傾土歸仰咸行道心洞見洞識洞妙洞知洞悟洞徹洞照洞微洞明洞鑒言符至理默契玄機齊同慈愛異骨成親國安民豐欣樂太平經始出教一國以道預有至心宗奉禮敬皆得度世

道言元始天尊說經中所言並是諸天上帝內名隱韻之音亦是真王內諱百靈之隱名也開示大法造立天地內生人物外成混沌赤符應合丹光纏綿元氣烹煎真火化鍊以成三界匠

道藏輯要

度人妙經

卷

角集五

×_{上十}

立萬天爾能體之自然得道非世之常辭上聖已成真人通玄究微能悉其章誦之十過諸天遙唱萬帝設禮河海靜默山嶽藏雲絳煙布逸霽光亘玄心符內充丹寶外應羣魔束形鬼精滅爽回屍起死白骨成人至學之士誦之十過則五帝侍衛三界稽首紫輝遐映神晶注盈妙開元造神泊其間魔精喪眼處祇滅爽濟度垂死絕而得生所以爾者學士穢氣未消赤符陰隱丹光內潛體未洞真以制十方威未制天政德可伏御地祇束縛魔靈但卻死而已不能更生輕誦此章身則被殃供養尊禮門戶興隆世世昌熾與善因緣萬災不干神明護門斯經尊妙獨步玉京度人无量爲萬道之宗巍巍大範德難可勝

道言凡誦是經十過諸天齊到赤符度生丹光啟幽億會萬祖
幽魂苦爽皆卽受度上升朱宮格皆九年受化更生得爲貴人
而好學至經功滿德就皆得神仙飛升金闕遊宴玉京也上學
之士修誦是經神契赤符道融丹光皆卽受度飛升南宮世人
受誦則延壽長年丹赤之華注澤屍腐骨剛氣真後皆得作屍
解之道魂神暫滅不經地獄卽得返形遊行太空此經微妙普
度無窮一切天人莫不受慶無量之福生死蒙惠上天所寶不
傳下世至土齋金寶效心盟天而傳輕泄漏慢殃及九祖長役
鬼官侍經五帝玉童玉女各二十四人營衛神文保護受經者
身

道藏輯要

度人妙經

卷

角集五

道言正月長齋誦詠是經赤符召和丹光運明三元錫契萬象
蒙生爲上世亡魂斷地逮役度上南宮七月長齋誦詠是經赤
符召陰丹光育精四明奏功五老奉經身得神仙諸天書名黃
錄白簡削死上生十月長齋誦詠是經赤符召陽丹光用章九
宮合氣玉女跪漿爲國主君臣父子安鎮國祚保天長存
世世不絕常爲人君安鎮其方民稱太平八節之日誦詠是經
赤符周建丹光流行八景合體六司命真得爲九宮真人本命
之日誦詠是經赤符召神丹光繞身魂神澄正萬氣長存不經
苦惱身有光明三界侍衛五帝司迎萬神朝禮名書上天功滿
德就飛昇上清

道言行道之日皆當香湯沐浴齋戒入室東向叩齒三十二
通上聞三十二天心拜三十二過閉目靜思身坐青黃白三
色雲氣之中內外竊冥有青龍白虎朱雀玄武獅子白鶴羅
列左右日月照明洞煥室內頂生圓象光映十方如此分明
密咒曰

无上玄元太上道君召出臣身中三五功曹左右官使者侍香
玉童傳言玉女五帝直符直日香官各三十六人關啟所言今
日吉慶長齋清堂修行至經无量度人願所啟上徹徑御
无上三十二天元始上帝至尊几前畢

引炁三十二過東向誦經

道藏輯要

度人妙經

奕

角集

二〇八

元始无量度人上品妙經

元始洞玄靈寶本章赤符丹光上品妙首明識度人龍康廣運
開化因緣大洞隱章虛含至真太无三一流結諸天碧落敷明
高峙天根大經離合萬境分神赤符帝氣丹光上靈恢張玄範
洪厯冥冥六風交煥空象告成玉文肇啟天道流行是爲元造
蒼混飛煙太霄鬱單玄丘景仙茫茫正化皇極推遷瓊羅騫倪
至妙靈圓三周九復包絡綿綿億天羣品歸真玉垣正行遊梵
過度生關中有赤明校錄之神中有玉符攝氣之真中有太丹
流焰之君中有炎光開化丈人中有太一入纏黃庭鳳紐混合
大洞高尊統御玄變清都化身金篇消魔廣大飛輪三十九帝

道藏輯要

度人妙經

卷

角集五

廓開八門今日敷教萬真臨軒

東方无極寶生神王長生大聖无量度人
南方无極洞浮神王長生大聖无量度人
西方无極耀明神王長生大聖无量度人
北方无極太一神王長生大聖无量度人
東北无極保安神王長生大聖无量度人
東南无極持化神王長生大聖无量度人
西南无極玉靈神王長生大聖无量度人
西北无極飛霞神王長生大聖无量度人
上方无極大變神王長生大聖无量度人

下方元極冲厚神王長生大聖无量度人

十方赤符丹光神王至真度世飛天大神並乘三華絳霄流雲
鳳輿瓊輦天蓋地輪驂駕朱光玉角神獸蒼鱗火鬣蛟龍建招
真之節告靈大旛前列玉虛寶仗後從三元化兵洞神九仙飛
空步虛四帥啟塗三師告盟億乘萬騎浮空而來傾光回駕監
真度生赤符經天三界同生丹光六飛萬物洪施心知目見神
動意隨天人仰法至化同歸大象流布洞虛極玄方諸符召超
登九天九天上宰元黃左宮流雲司命保世大神執錄持符同
會帝庭隨所應度天化浮沉普告三界八極雲營崑崙闕廣
野寒扃五方玄嶽四極真公九元大憲化見玉文疾除故氣清
道藏輯要

度人妙經

奕

角集五

川上之

正生根不得拘留上合仙真赤符丹光時刻飛升北都六洞普
赦幽魂制魔保舉度品朱陵死魂受鍊仙化成人生身受度劫
劫長存隨劫輪轉與天齊年永度風刀水火之難超凌三界逍
遙上清上清之天天帝朱明無色之境梵行

東方八天

靜都勤明天

帝妙衡具傍

昌郊九華天

帝卿靈尹登

符應智靈天

帝曉虛妙常

灼變丹神天

帝邁氣圖生

蒼京寶風天

帝化招境形

聖基密照天

帝鑒真定微

運晶遂方移想天

帝縛奔囊孤

高虛赤符惠生天

帝井虛歷維

南方八天

陽光化生天

帝景中惟甯

九宮明耀天

帝闕淵求方

丹霄注靈天

帝赫爰胥延

曲晨紫真天

帝護斗召仙

太微瑞靈應精天

帝直波夷倫

光慧洞無天

帝剛過擇躬

道藏輯要

度人妙經

卷

角集五

寂意思玄天

帝保玉令修

洞玄摧魔拱雲天

帝飛圓曜隨

西方八天

瑤府定民天

帝按涂知元

寒庭對兵天

帝戒無象虛

司覆開世天

帝慈流升

真功定籍天

帝問初顯非

太上素晨禁綱天

帝樞牢勝當

內池誕華優陽天

帝耨達用義

簡微求祖知變天

帝洞仙常師

主錄度仙超化天

帝山英謝方

北方八天

梵樂錄魔天

帝變龍擲旌

垂慈飛真無想天

帝志明淵符

玄明左期靜光天

帝甫昭叢希

五氣交符鍊神天

帝優顯景珠

張育行真天

帝納生辨殊

龍柔命仙天

帝屈空冥神

朱明合氣天

帝極監盟真

靈綱正氣總陰天

帝主羅察真

道藏輯要

度人妙經

卅

角集五

三十二天三十二帝諸天隱諱諸天隱名天中空洞自然靈章
 諸天隱韻天中之音天中之尊天中之神天中大魔天中之靈
 九奇十耦和合自成赤符丹光變化上清无量之奧深不可詳
 敷落神真普度天人今日欣慶受度大化開生感變幽關大會
 神靈請滅三惡斬絕地根斷胞閉死名列太玄真王監舉無拘
 天門東斗執契西斗召仙北斗奏簡南斗列言中斗坐鎮運轉
 元關帝魁玉籙洞鑒冥無天真玄一五斗之符下元化氣太劫
 丹書青帝施令白帝禦敵赤帝正憲黑帝建立黃帝中主變化
 無極惟符所指陰陽乃宣吉凶不象善惡相連青天魔王晶晶
 鬱羅赤天魔王明耀絳霞白天魔王金真保華黑天魔王鼓化

玄波黃天魔王安鎮崇阿五天大魔萬神之宗飛行鼓從總領
天兵持幢仗節遊觀太冥自號赫奕諸天齊功上天度人嚴攝
北酆真王受命普掃不祥三元降詔大憲恢張飛符攝御清蕩
十方定界無邊風火八衝敢有抗拒糾送酆宮元真振劔天曜
施刑屠戮邪魅收捕無停千千斬馘萬萬滅形魔無干試鬼無
祆精太陰北都按察鬼營不得怠縱飛章奏罪普告三官正道
流行考功定籍書名紫清玄曜大劫寶曆龍康洪運周流纏結
陰陽一氣交絡開隆上皇飛生玉音廣布十方丹華升降輪轉
剛風眇眇億氣赤混玄宮上周圓曜下變重淵風動八冥洪極
成天赤符化鍊丹光發煙天上天下輝朗幽冥肇形虛象廣大

道藏輯要

度人妙經

圭

角集五

無窮鴻濛溟滓豁落舒光太真啟圖運度自然朱陵敷演徊風
上篇碧簡金章玉錄瑤編保安天地永劫綿綿梵炁彌羅萬範
開張日光成立三境諸天輪轉崑丘包羅億千元老下教普度
羣仙三天三地灌氣三垣八景玉羅氣入高玄玄中至真丹霄
上卿佩天瓊文校錄稱尊合景飛霞執詠洞經金華流彩普攝
雲營玉章大誥鳳簡龍書洞天隱道接閱元圖千和萬合自然
成真真中有神東華天君方諸帝一太素千精玄光保命混沌
延生赤符丹錄永鎮玄根上游清微出入洞虛巍巍天闕列聖
之居下降種民升舉清都中理太極混合空无十轉回靈萬景
同升仙道貴生无量度人上開八門經天法輪罪福禁戒宿命

因緣普受鍊度死魂生身身得受生上聞諸天諸天之上各有
生門中有混天開劫之章仙聖靈篇辭參高真

第一混極飛仙赤符之音

太虛元始 生成天地 空極杳冥

肇於一炁 廣大無邊 化生真帝

上居玉京 三界統制 咸錫威靈

不問巨細 周流合變 成此大器

赤書敷落 靈仙交會 五山安鎮

玄嶽高峙 崑丘閭風 黃老為治

虛皇憫眾生 開演玄妙義 洞章攝魔羣

道藏輯要

度人妙經

圭

角集五
川上三

億天蒙大庇

第二玄變真君丹光之章

嚴嚴大有宮 萬靈朝上皇 三氣包太虛

飛霞結元綱 上開廣瓊室 下布流景房

三垣懸帝座 赤文羅五方 內陳玉極真

保此大經常 空生纏地紐 冥冥度龍康

真王馭天馬 寶闕舒丹光 天運啟玄圖

玉道發嘉祥 元君乘化氣 神變不可量

俯觀三界民 欲海徒茫茫 披誦洞玄篇

超升太福堂

第三赤符丹光真王歌曰

岩岩金闕

下臨太清

碧霞鬱合

化此金城

巍巍虛象

飛臺玉京

九龍大劫

生育神靈

妙氣交合

變化天根

赤文列聖

丹光上真

三十九帝

與道同生

持握天憲

空洞皇君

校鍊飛天

驂駕龍麟

周遊三界

正道開明

威光下濟

照徹重昏

清蕩北酆

普救幽魂

萬類逍遙

十方蒙恩

道藏輯要

度人妙經

卷

角集五

此三界之上飛空之中真王歌音音參洞章誦之百遍名度南宮誦之千遍真王保迎萬遍道備飛升太空過度三界位登仙公有聞靈音魔王敬形救制地祇侍衛送迎拔出地戶五苦八難七祖升遷永離鬼官魂度朱陵受鍊更生是謂无量普度无窮有祕上天文諸天共所崇泄慢墮地獄禍及七祖翁

道言此二章並是諸大上帝及至靈真王隱祕之音皆是大梵之言非世上常辭言無韻麗曲無華宛故謂玄奧難可尋詳上天所寶祕於神霄玉府東藏經室依科三萬七千年應運下傳若有至人齋金寶質心依舊格告盟真王然後而付焉

道言夫赤符道逆丹光內隱則二儀失序五行數睽故天地運

度否終日月五星虧盈至聖神人休否末學之夫疾傷凡有此災同氣皆當齊心修齋六時行香十遍轉經福德立降消諸不祥無量之文普度無窮

道言夫末學道淺或仙品未充運應滅度身經太陰臨過之時同學至人爲其行香誦經十過以度屍形如法則赤符照心丹光還形不與物化神凝氣清魂神經上南宮隨其學功計日而得更生轉輪不惑便得神仙

道言夫天地運終星宿錯度日月失輝四時失度陰陽不調國土有災兵革四興疫毒流行兆民死傷師友命過良善橫殃皆當修齋行香誦經夫齋戒誦經功德甚重上消天災保鎮帝王

道藏輯要

度人妙經

書

角集五

川三六

下禳毒害以度兆民生死受賴其福難勝故曰无量普度天人道言凡有是經能爲天地帝主兆民行是功德有災之日發心修齋燒香誦經十過皆諸天記名萬神侍衛右別至人克得爲聖君金闕之臣諸天記人功過毫分無失天中眞王亦保舉爾身得道者乃當洞明至言也

諸天中大梵隱語无量音

道君撰

元始靈書赤符丹光玉篇

東方八天

弗黎竟桑

後遭輔璫

庚福眞神

揚騎時房

充枚郁澹

周勤氏梁

越贊傳野

畢容治光

按披曜師

維誓鄞康

靜學原蔽

密都朱堂

參據角首

穹奇倍章

絡昔魔靈

粲秀東疆

南方八天

赤符三氣

火山炎精

照煥潛蟄

幽離浮瓊

定顯妙樞

紀錫幾冥

善旅逸修

豫盈司奔

嶽迭命召

魂林繁騰

無鐸演廬

盤河哲承

綿度令高

慈尤并艱

肆除獻甯

道藏輯要

度人妙經

圭

角集五

太霞資明

西方八天

碧巒濟佑

浮空景涯

神策飛錄

早馳玄華

奎芒皇休

祿員禹瑤

遵善既邈

閉延投鬼

良茲印宙

玉微化倬

昊素格畧

利淵開仁

掌紀緣釋

湊智遠京

抱月綠霞

詠此至音

北方八天

衡圍太始

芒露激虛

句隨支云

桓傲箕無

正鄰投黃

聚沖攸靈

欲蘇踐荒

祥實觀真

鬼由牢察

玄屍杳丁

沖熙日囿

評霞嶽虔

氣騰逃宏

沼領綿謨

彫梗雲昆

總靜遶泉

道言此諸天中大梵隱語无量之音舊文刻書絳臺瓊華妙靈
玉妃丹墉廣闕之上字皆廣長一丈天真皇人昔書其文以為
正音有知其音能齋而誦之者諸天皆遣赤符丹光神王下觀
其身書其功勤上奏諸天萬神朝禮地祇侍門大功魔王保舉
上真道備克得遊行三界升入金門此音無所不辟無所不禳

道藏輯要

度人妙經

美

角集五

無所不度無所不成天真自然之音也故誦之致赤符告靈一
呼萬應丹光回照百理千通密授紫書上為真宰神王下觀上
帝遙唱萬神朝禮三界侍軒羣祇束首鬼精自亡琳瑯振響十
方肅清河海靜默山嶽吞烟萬靈振伏招集羣仙天無氛穢地
無祲塵冥慧洞清大量玄玄也

角集五音釋

市音狹

周也

銀音昶

利也

玦音決

玉佩也

建

音建又音挺

閻音伐

功也

敷音孚

蚊也音弛

音軋

不測也

鑿音襲

空音分

塵也

晶音蔽又音檄

顯也

堯音樞

傍實中空也

同音同

虫也

脆音嵬

財也

俵音求

道藏輯要

度人妙經

老

角集五
文十三



正一天師清微弟子共製
道教學術資訊網站